



NUKILAN

Zahiruddin bin Mohd Zain
Eksekutif Kanan
Pusat Jaminan Kualiti Akademik, Pusat Pengurusan Strategik dan Kualiti
Universiti Malaysia Pahang Al-Sultan Abdullah (UMPSA)

Srikandi Pelopor di Singgahsana Keilmuan

Di menara keilmuan yang teguh berdiri,
terpahat sejarah dalam denyut nadi,
didatangi susuk srikandi berani,
memacu ke hadapan penuh yakin di hati.

Beliaulah pelopor memecah tradisi,
melakar sinar di arena universiti,
diangkat martabat memimpin penuh erti,
membawa faedah tiada sirna dinikmati komuniti.

Visinya jelas bak mentari pagi,
menyinari arah yang ingin dituju nanti,
misinya teguh terpasak di sanubari,
memacu pimpinan ke puncak inovasi.

Naluri keibuan menjadi pedoman,
lembut dalam tutur, tegas dalam keputusan,
mendengar keluh, menyulam harapan,
membina insan, lakaran masa hadapan.

Bukan sekadar kuasa pada tangan digenggam,
tanggungjawab pada bahu dijunjung mendalam,
beralaskan semangat kental tak pernah tenggelam,
memayungi bahtera saat laut berdebar serata alam.

Pada staf, dia suri teladan,
pada pelajar, dia wajah inspirasi dan keyakinan,
setiap suaranya penuh pertimbangan,
setiap langkahnya menyemai kekuatan.

Cemerlang bukan sekadar kata,
gemilang bukan hanya cita,
di bawah pimpinan srikandi mulia,
universiti tekad dengan jiwa perkasa.

Wahai pemimpin berhati waja,
namamu terukir dalam hati KITA,
keberanianmu membuka beza-beza jendela,
Menyuntik warga UMPSA hembusan semangat KITA.

24 tahun demikianlah rahsia waktu,
saksi dikau srikandi ulung KITA semua,
pelita penyuluh arah jalan KITA,
moga-moga panji KITA teguh bertakhta di ASEAN.



[Creative Work](#)

Srikandi Pelopor di Singghsana Keilmuan

16 February 2026

- 24 views

[View PDF](#)